



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 12. december 2011

J.nr.: 01.31.06/11-00561

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/11-00561 pillugu tallimangornermi ulloq 9. december 2011-mi aalajangiineranik Naalakkersuisunut ilisimatitsineq.

Konto pingaarnermit 73.10.12-imit, Arctic Umiaq Linemut tunngasumit, utertitassat

Naalakkersuisut **inassutigaaat**,

- kontomi pingaarnermi 73.10.12-imi, Arctic Umiaq Linemut tunngasumi, 3,518 mio. koruunit isertitatut ilanngunneqassasut, aamma
- IST-p 2011-mi inernera 3,518 mio. koruuninik pitsanngortinneqassasoq.

Aningaasaqarnermut Ataatsimiititaliap oqaaseqaatai

Aningaasanut inatsimmut aammalu 2010-mi ilassutitut aningaasaliissutitut inatsimmut sanilliullugu ingerlatseqatigiiffimmut katillugit 6,787 mio. kr.-init tapiissutigineqartunit utertitsinissaq suliami matumani qinnutigineqarpoq. Taamaalillunilu naatsorsutigineqartumit ingerlatseqatigiiffiup pitsaanerumik angusaqarnera pissutigalugu amigartoornissamut qularnaveeqqusissutit tamarmiusup atorinissaa pisariaqarsimangilaq.

Ukiup aatsaat taamaalinerani utertitsinissap qinnutigineqarnera Aningaasaqarnermut Ataatsimiititaliamit eqqumiigineqarpoq, tassami amigartoorteqarnissamut 6,787 mio. kr.-imi 2010-mi qularnaveeqquteqarneq 2011-mi marts/aprilmili Royal Arctic Line A/S-ip (AUL-imik 50 %-imik piginnittup) 2010-mut ukiumoortumik naatsorsuutiminik saqqummiussinerani atorineqanngitsoq ilisimaneqarmat. Taamatuttaaq missingersuutit pillugit Naalakkersuisut 2011-mi julip naanerani ilisimatitsissuteqarneranni paasisutissiissutigineqarpoq qinnuteqaammik taamaattumik nassiussisoqassasoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni tunngavissiissutigineqartullu naapertorlugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Olga P. Berthelsen
Siulittaasup tullia